

**Bosna i Hercegovina**  
**Federacija Bosne i Hercegovine**  
**Zeničko-dobojski kanton**  
**OPĆINA VAREŠ**  
**OPĆINSKI NAČELNIK**



**Broj: 02- 808/12**  
**Vareš, 11.12.2012.godine**

## **IZVJEŠTAJ**

### **o provedenoj javnoj raspravi o Nacrtu Budžeta/Proračuna Općine Vareš za 2013.godinu**

Dana 10.12.2012.godine (ponedjeljak) sa početkom u 12,00 sati u općinskoj Sali za sastanke pri kabinetu Općinskog načelnika održana je javna rasprava o Nacrtu Budžeta/Proračuna Općine Vareš za 2013.godinu.

Javnoj raspravi su prisustvovali: Avdija Kovačević, općinski načelnik; Leon Pavlović, tajnik Općinskog vijeća; Elma Brčić, općinska pravobraniteljica; Zihinja Krnjić, pomoćnik načelnika za privredu/gospodarstvo i finansije/financije; Mersad Đido, stručni saradnik za društvene djelatnosti i mjesne zajednice; Senad Mahmutović, stručni saradnik za trezorsko poslovanje; direktori javnih ustanova; predsjednici mjesnih zajednica: Vareš, Pogar, Vijaka, Kadarići, Pržići, Duboštica, Mir, predstavnici udruženja građana i nevladinog sektora.

Uvodnim riječima obratio se pomoćnik načelnika za privredu/gospodarstvo i finansije/financije Općine Vareš Zihinja Krnjić, koji je dao osnovna objašnjenja o Nacrtu Budžeta/Proračuna Općine Vareš za 2013.godinu o planiranim prihodima i primicima te rashodima i izdacima u Nacrtu Budžeta/Proračuna Općine Vareš za 2013.godinu.

Nakon uvodnog obraćanja pomoćnik načelnika za privredu/gospodarstvo i finansije/financije otvorio je javnu raspravu i pozvao prisutne da uzmu učešće u istoj.

Predstavnici mjesnih zajednica zatražili su od načelnika Općine Vareš detaljnija pojašnjenja o kretanju pojedinih stavki u Nacrtu Budžeta/Proračuna za 2013.godinu.

Općinski načelnik je pozdravio prisutne i detaljno obrazložio kakva su predviđanja i očekivanja za sljedeću godinu u pogledu naplate poreznih i neporeznih prihoda te kapitalnih ulaganja na području Općine Vareš, iznoseći detaljno objašnjenje predstavnicima mjesnih zajednica, udruženja građana i nevladinog sektora u pogledu grantova predviđenih za navedene kategorije, pozvavši na maksimalnu suradnju svih prisutnih sa uposlenim u Jedinstvenom općinskom organu uprave Općine Vareš u cilju rješavanja svih pitanja s ciljem poboljšanja rada i koordiniranog djelovanja.

Prerdstavnici navedenih kategorija su se složili sa načelnikom da je potreban novi nivo saradnje ne samo između njih i organa uprave već i između samih udruženja i mjesnih zajednica i načelno su se složili da su stavke za navedene kategorije koje su predviđene u

---

**adresa:** Zvijezda 34, 71330 Vareš  
**tel:** 00387 32 848 100  
**fax:** 00387 32 848 150

**depozitni broj:** 3380002210017420  
**web:** www.vares.info  
**e-mail:** vares@bih.net.ba



Nacrtu Budžeta/Proračun za 2013.godinu realne uzevši u obzir ukupnu ekonomsku situaciju i opterećenost Budžeta/Proračuna velikim brojem obaveza. Takođe je traženo da predsjednici mjesnih zajednica budu plaćeni za svoj rad u iznosu vijećničkog paušala na mjesečnom nivou.

Općinski načelnik je predstavnicima mjesnih zajednica pojasnio da to obzirom na opterećenost Budžeta/Proračuna velikim brojem obaveza trenutno nije moguće, ali u slučaju boljeg priliva sredstava u narednim godinama ostavio je otvorenu mogućnost poluprofesionalizacije mjesta predsjednika mjesne zajednice.

Načelno je dogovoreno da se zaduži Služba za društvene djelatnosti i boračko-invalidsku zaštitu da preispita rad svih udruženja ( udruženja građana, boračka udruženja/udruge, sportski klubovi ) i mjesnih zajednica i blagovremeno izvjesti načelnika o radu i aktivnostima istih u cilju filtracije i jasnog pregleda stanja na ovom polju te da uspostavi način i kriterije kod dodjele grantova za iste , sa čim su se složili svi prisutni na javnoj raspravi.

Pomoćnik načelnika za privredu/gospodarstvo i finansije/financije pozvao je sve prisutne da amandmane na Nacrt Budžeta/Proračuna mogu dostaviti putem Protokola u pismenoj formi Službi za privredu/gospodarstvo i finansije/finencije do 14.12.2012.godine (petak) uz konstataciju da će svi amandmani biti detaljno razmotreni i biti uvršteni u Budžet/Proračun za 2013.godinu u skladu sa budžetskim/proračunskim mogućnostima.

Javna rasprava o Nacrtu Budžeta/Proračuna završena je u 14,00 sati.

S poštovanjem,

**DOSTAVLJENO:**

1 x Općinski načelnik  
1 x Općinsko vijeće  
1 x a/a

**OPĆINSKI NAČELNIK**

**Kovačević Avdija, dipl. pravnik**